



~~G 7465~~ Uc 4010

Grodzick.

auch in Bl. I m. Druzyn
hitz. Pol. Sept 1711/

Biblioteka Jagiellońska



stdr0017852

Ad.: Berol. Uc 4010/[I]-[H]

#

Adhaerent:

1) Schurzfleisch *Lineamenta Sarmatica*

2) J. E. Schmidt *de Ducibus von der Maas*
in Polonia inveniendis

3) C. G. Reinhardt *Nexus inter Poloniam*
Saxoniamque.

J. A.
**LINEAMENTA
SARMATICA,**


SUB
PRÆSIDIO
**CONRADI SAMUELIS
SCHURTZFLEISCH.**

Publicè afferenda.

â
JOHANN. CHRISTOPH. ALBERTI,

Hab. in Audit. Publ. A. 1670.

d. 1. Octob. hor. antem.



WITTENBERGÆ,
Typis CHRISTIANI SCHRÖDTERI, Acad. Typ.

Anno clō Ioc XXCIII.

24

LINEAMENTA
SARMATICA.

CONRADI SAMUELIS
SCHURTSCH

IOHANN. CHRISTOPH. ALBERTI

WITTEBERG.
Typis CHRISTIANI SCHROEDTERI, Actus Typ.
Anno dñi 1734.

00115437



SCRIPTORES.

Post Pomponium Melam, Plinium, Tacitum, Ptolomæum, Jornandem, gentis hujus sub notione Polonorum, sive Bolanorum meminerunt inprimis Dittmarus Merseburgensis, Henrici II. æqualis, Wippo, Conradi Saliqui Sacellanus, Otto Frisingensis, Gottfridus Viterbiensis, Helmoldus.

2. Primo, quod à C. N. elapsum est, seculo Sarmata, & Venedi, ac diu ante Heneri, sexto Slavi Slaviniqve, amplissimo diffusarum à Borysthene ad Vistulam gentium nomine passim celebrantur. Inde veluti adolescente medio ævo Polonos appellatos esse constat.

3. Recentiores, qui à sec. XV. & XVI. numerantur, sunt Aeneas Sylvius, Johannes Duglossus, Matthias Michovius, Alexander Gvaginus, Martinus Cromerus, quos uno volumine recensuit Johannes Pistorius Nidanus. Præter hos ad origines eruendas adjumentum afferent Jo. Matthias à Sudetis, & Jodocus Ludovicus Decius.

4. Martini Cromeri epitomen adornarunt Salomon Neugebauer, & Joachimus Pastorius, alter Hermannò Conringio, alter M. Zvv. Boxhornio est impensè laudatus.

5. Ab excessu Sigismundi Augusti non inscitè commentatus XII. libris Reinholdus Heidensteinus est, cujus & extant de bello Moscovitico libri VI. in volumine historiæ Cromerianæ, A. 1589. Colonia Agrippinæ editi, qui in recensione Pistoriana desiderantur.

6. De Henrico Valesio librum unum composuit Andreas Maximilianus Fredro, Capellanus Leopoliensis, qui A. 1660. Gedani excusus est.


7. Rebellionem Russicam complexus est Paulus Piasceius, scriptor domi prudens ac fidus, in exteris incautus negligensq;. Cum quo conjungere licet succinctum commentarium A. 1653. Regiomonti evulgatum. Ex utrisque sua derivarunt Adolphus Brachelius & novissimus scriptor belli Colacici Germanicè redditi.

8. Juri ac legibus Polonicis operam impenderunt Herburtus, Theodorus Zavvack, cujus processus, ut dicitur, judicarius Varavia lucem vidit A. 1647. Adjungatur Andreas Lipski à Lipe, cujus practicæ, quæ vocantur, observationes A. 1648. ed. causidicis inserviunt: sed ejusdem decas quæstionum publicarum in parte publici juris non planè nullum momentum habet. Conf. Jacobus Prilusius, aliiq;. Ad fori Lithvania, quæ Polonia innixa est, controversias nominatur Petrus Roisius: reliqua, quæ ad hujus descriptionem pertinent, abunde suppetunt in Moscovia Sigismundi ab Herberstein.

9. Scriptum, cui titulus est, publicæ innocentia manifestum, in causa Lubomirskiana, & plerisque regni actis perquirendis idoneum, & hodie in ipsa Polonia perratum est, primò in Polonorum vernacula, deinde Latina Lingua compositum.

10. Quantum ad civiles regni rationes ferè admirandum se præbuit Ulicovius, summo B. B. judicio insignis, & accuratior solertiaque nulli postferendus. Schedæ de morient. Pol. servanda, ac similes, sæpe quidem utiles, at nimis interdum vulgares sunt, ut faciliè inter has excellat, quod novissimè prodiit sub nomine Censuræ Candidatorum Polonia.

I. N. 7.



I. N. 7.

Pincipiò Polonia Duces habuit. A Ducibus inde Reges elegit. Regum circumscripta Potestas. Optimatum libertas magna, licentia maxima est.

I I.

Regnum hodie, si ullum, legibus adstrictum. Leges, quibus regni innixum fundamentum est, duobus capitibus continentur. Alterum libertas Electionis, alterum Religionis est. Utrumque codex sanctionum Polonicarum suggerit. Vim, nervum, robur à Comitibus Varaviensibus (a) accessit. His stabit regnum, si observentur. Ruet, (ne vero ruat) si negligantur.

(a) A. 1573. Huc spectant constitutiones publicæ, diplomata regia, quibus hæc libertas repetitis vicibus firmatur. Memorandib; Reges, Henricus, Stephanus, Sigism. III. Vladislaus IV. & qui nuper regno se abdicavit, Joh. Casimirus. Sed imprimis memoranda hic fuerat sanctio Jagellonica.

III.

Primus Regum memoratur Boleslaus Chrobry. Sed verò audacius, quàm verius. Quod velim æquo animo accipiant Crantzii, Johan. Cluverus, Johannes Latus, Georgius Hornius, Fr. Sanfovinus, Arthurus Duck, Anthonius Albizius, Christianus Matthia. Sed neque hi soli. Restant plures: Johannes Sleidanus, scriptor alioqui gravis & probus, Lucas de Linda, Joachimus Pastorius, Henricus Bangertus, & quem hic sequitur, Gvaginus, Auctor novissimus Polonici status, innumeridemum alii. Unum id impone hic miror,

A 3

eur

cur Polonici scriptores, iiqve non vulgares, tantum sibi indulgeant, ut patrocinentur errori. Quum non plane nullum hic suppetat argumentum, fuisse tempus, quo Polonia colere Imperatorem, colere Imperium debuerit. * Quod tamen ægrè faciunt Poloni, jam dissimulantes, quæ scribenda erant, jam scribentes, quæ tacere præstitisset. Notatus hic multis nāvus est. Ex omnibus seligamus. (b) Conringium, testem parum laudandi moris.

* Chron. Pegaviense ad A. 1135. Otto Frising. Chron. VI. cap. 28. VII. cap. 19. Sanblasianus app. cap. 7.

(b) Cap. 18. de F. I. G.

IV.

Qui edisserunt hoc loco familiarum vicissitudines, non impingunt semel. Scriptor Novitius des Polnisch. Königs Stamms / XII. recenset interregna. Sed abhorret is loqvendi modus ab accuratione civili. Nec pensi is habet distingvere Ducum tempora à Regum. Utinam vero præter hunc lapsum nullus superesset alius. Sed mendum augeatur mendo. Inter exempla sunt, qui in tradendis Poloniæ dynastiis operam ponunt suam. Alii sex: alii plures, multi pauciores numerant. Joh. Buno (c) Dynastiam inserit Zechidarum. Verum hæc ad Bojohemos pertinet, non ad Sarmatas. Nisi tamen Cracidarum dictam cupit, à Craco Auctore appellatam. Qui rem in compendium redigunt 1. recitant Dynastiam Lechi, unde surrexit familia Lechidarum. 2. (d) Craci. 3. Przemislai. 4. Lesci. Hinc progenies Lescidarum. 5. Piasci, Civis Crusvizensis, filii Goslisconis, ut produnt Sarmatici annales. Ab eo prosapia Piascorum, seu Piascidarum, (e) quæ nondum desit. Reliquias Silesia habet. 6. Jagellonis, qui Jagellonidum Conditor. Hoc ad regni clavum subducto, Piasci, qui Silesiam colebant, Principes, siue odio, siue ultione excitati se suosq; regno

regno Bohemico iiligare coeperunt. Sed manifesta hæc omnia. Videamus jam, quid Sarmatiæ expediat.

(c) Sec. IX. Hist. univ.

(d) Unum hic notandum, omitti dōdendęxus, seu Palatinos, vulgo Paivodas, qui binis vicibus interferendi (1) Post Lechum (2.) Post Cracum. Præter hoc addo, verum enimq; indubitatum historie Pol. characterem incipere cum Piasco. Anteriores multa adnla comitari. Ne mōdica dicam. Proinde hic, si usq; dam, iudicio opus est.

(e) Vid. de his Aut. Cens. Cand. Polon. Conf. alij, qui recte memotant, eos primum veritatis diviniore lumen Sarmatiæ intulisse.

XV.

Regni Caput (inde enim auspicari libet) Cracovia est. Civitas vasta magis, quam valida. (f) Perculit huius rei cogitatio multorum animos Regum. Præsertim Sigismundi Augusti, (g) ut qui pensaret, quanti interesset, Cracoviam muniri. Laudabilis hæc sollicitudo, sed Ordibus odiosa. Nempe existimaverant hi, munita Cracovia, nova sibi instare fata, libertatem in discrimine fore, regem ad regiam potestatem grassaturum. Hinc responsum tulit, Polonos Virtutem lacertis ostendere. (h) Muris, arcibus, castris non delectari. Verum latebat metus affectandæ dominationis. Regem prætextu securitatis moliri Monarchiam, una omnium suspicio fuit. Prudentiam interpretabantur Poloni. Sunt, qui admixtum quid imprudentiæ colligant. Disceptet, decadat, qui velit, velit, qui potest. Ego dixisse satis habeo, publicæ interesse rei, ut privata suspiciones publicæ utilitati remittantur. Hoc magis, quod alia Polonis in promptu sint servandæ libertatis instrumenta. Sed age ostendam, quid hinc emergere damni, quantum consilari Christianis periculum possit. Fingam irritari Turcas, colligere exercitum. Uno impetu effundi in Sarmaticos campos

campos. Omnia præda hostis erunt, priusquam iusta acie cum hoste decernatur. Quid si Fortuna belli, ut subinde mutabilis est, refragaretur? Sane conclamatum foret, cum neque præsidium victis, neque ælyum subditis superesset. Quos tamen habere omnes æquum est, quod fugiant ad salutem, quod fortunas, & quicquid earum est, perferant. (i) Atqui id jam liquet satis. Et nisi liquet, testari Varadinum potest, quantum in arcibus & castellis situm sit momenti. Quippe conpertum, amisso Varadino, periclitari Ungariam juxta & Transylvaniam cœpisse. Colacos Osmannidarum iugo se submisisse. Tantæ utilitatis est, extruere arces & tueri extructas.

(f) *Arx civitati imposita, ubi veterum Regnum conspicua monumenta.*

(g) *Vid. Jos. Maria Maraviglia Hermet. Cælest. p. 94.*

(h) *Imitantur Poloni Spartanos. Sed desit seculum illud Spartanum.*

(i) *Pensant tamen hanc arcem propugnaculorum, jacturam varij montes, quibus includitur, diversa flumina, quibus interluitur Polonia. Sed Natura hic subsidium debetur ab arte.*

VI. Quamquam ergo magni æstimem Sarmatarum Virtutem, nec ignorem insuper, Tataris Turcisq; admodum formidabilem esse hanc gentem, tamen necessitas temporum exigit, & ipsorum Polonorum salus, ut communiant civitates, excitent arces, omnia denique comparent ad publicam securitatem.

VII. Cum de munimentis, deque munimentorum necessitate expono, subit recordari Kamienici. Hoc sustinendis Tatarorum incursionibus suffecturum ajunt. Sed sufficiat Tatarorum. Fortè tamen pertinaciæ Turcarum non sufficet. Quin fortè fama major vero, quæ ad nos de operibus

operibus munitionibusque Kamienici perlata est. Tum verò sentiunt non pauci, Tataros jamdudum Kamienicum* occupaturos fuisse, ni impetum cohibuisset prudentia Turcarum. Ut quorum quasi beneficiarii Tatai sint, intenti ad eorum nutum, & parati sequi signa, cum velint. Turcis autem hujus consilii non aliud pretium est, quam formido. Cohorrescunt enim, cum inaudiunt de auxiliis Germanorum, & qui Septentrionem colunt. Hos vero judicant, nolle destituere Polonos, dum unus apud omnes metus est crescentis potentiae Turcarum, qui vel invitis extorquere arma potest. Et verò communis Christiani orbis causa hæc est, quæ copulare disidentes debet, ut obex tandem ponatur posteris Osmanni.

* Simon Starovolscius in Polon. p. 114. refert, oppidum esse & natura loci manuq; permunitum, nec refragor, si & sentiat pro conditione Podolia, & loquatur. Subscribit Starovolscio Alexander Guagvinus in descript. Pol. & non modò arcem muro propugnaculisq; firmatam, sed civitatem etiam ob rupem accessu arduam ferè inexpugnabilem esse scribit. Quicquid ejus sit, parum latius nuper allatus nuncius est, venisse in Turcarum Tatarorumq;, quos antebac strenuè repulerat, potestatem: Quæ ut quamprimum recuperetur, asseraturq; pristino domino, & Germanis, & universi septentrionis interest.

VIII.

Ut meritò jam invehamur in eos, qui solius quæstus causa Turcarum se applicant partibus. Indignum sanè Christianis, stare adversus Christianos, deferere suos, assistere impiæ genti. Et verò Deus, Pietas, amor, quæ Christianos copulant cum Christianis, iniquissimo exemplo adversantur. Relinquatur impia adeo colluvies sibi. Retineat sordes suas. Christiani jungantur Christianis. Fœdera, societas, amicitia, sancta nomina sunt. His dignari Turcas probrosum orbi Christiano. Impium quoque accedere barbaris, adversari suis. Prætextus commercio-

rum pulchrè quæritur, solidè non stabilitur. Certè nemo probaverit hunc morem, quum Christianus Turcæ expetat societatem, ut noceat Christiano. (k) Speciosa quorundam commenta multum ostentationis, parum pietatis, minimum laudis habent.

(k) *Rationem reddit Petrus Santerna Lusitanus, quod sint inimici imperij, & Christiani nominis, quod Christianos persequantur & sedibus expellant, tr. de affec. Ed. Lugd.*

IX.

Revertamur ad institutum. Potentia Polonorum terrestribus, opes in agro, vis belli in equitatu ferme omnis est. Maritima potentia Naturæ magis donum, quam fortunæ & artis. Hac carent Poloni, pollent Hispanus & Veneti, Veteres Osmannici imperij hostes. Ceterum divitiæ agrorum nec nullæ, nec nimix. Commerciis demum regna efflorescunt. Sed genius Polonicæ gentis vix capit. Haud exiguo, ut creditur, regni damno. Præter equitatum, qui validissimus est, (l) cura peditatus esse (m) debet. Ut habeat, quos opponat Prætorianis. Spahis enim haud dubiè est resistendo.

(l) *Rex 140000. (alii 200000. recitant) Nobilium educere in aciem potest, si instat periculum, si imminet hostis. Expeditio hæc apud ipsos Postpolite Russenæ audit. In proxima expeditione ultra 100000. fuisse memorant.*

(m) *Jam olim Tacitus Sarmatis objicit ignaviam ad pedestres pugnas. Hist. I. Ego monere mahlm, quam tale quid objicere. Sed Sarmata fortasse ipsi dubiam objiciunt fidem.*

X.

Æstimavimus satis excitatam Polonorum indolem, animum bellicarum rerum capacissimum. Lustrabimus popularium erga populares jam fidem. Pro patria oppetere mortem, ducunt laudi. Pro salute regis capere arma, corpus objicere periculis, omnia denique experiri parati. Transfugam fieri, summum ibi scelus. Comitari regem

in

in quacunque fortuna, decus interpretantur. Multas gentes ferro in reges sævisse compertum. Poloni servatorum regem gloriam rulerunt. Dissentire quidem & obniti, indignarique insuper sæpe, & edere irati animi signa, non rarum. Sed manus regum imbueri sanguine, & insones deposcere ad necem, generoso hætenus populo piaculum fuit. Magna hæc fides, gloria autem fide major, pietas longè maxima. Paucos excipimus, quibus sensum obsequii sive innata ferocia, seu pertinacia excusit. Hos rebus studuisse novis, recessisse à fide erga Reges, exuisse reverentiam, sicut notum, ita universæ genti nequicquam imputandum.

XI.

Perspicaciam gentis colliget, qui ut cauti sint, & regum scrutentur destinata ac mores, apud animum expendit. Piastridas ad Casimirum usque M. nulla religione astrinxerunt, successores vero hoc obligare vinculo consultum putarunt. Prorsus ut appareret, libertatis retinendæ tenacissimos esse. Sic regum coerciti spiritus, sic evitatum servitutis iugum, sic privilegia retenta atque immunitates vindicatæ omnes. (n)

(n) *Non multo secus, atq. Teutones, qui Caroli V. antecessores laxius, Carolum V. arctius ex Imperii utilitate legibus astrinxerunt. Vide Sleid. & ex eo Stirn. Nomoth. t. 4. §. 6.*

XII.

Monui de Casimiro M. Princepsis animi plenus & raræ exemplum benignitatis. Hic Poloniam lateritiam accepit, non multo post marmoream fecit. Beneficiis Ordines, plebem, magnos, medios, minimos, omnes sibi devinxit. Russiam in Provinciæ formam redegit. Leges, cultum, decus in Poloniam intulit. (o)

(o) *Vid. Aut. Anonym. in Piast. Joachim. Pastorius in Casimiro Magno. In eo desierunt regnare Piastide.*

XIII.

Auspicata hæc regno omina. Auspiciora ferme in Vladislao Jagellone. Qui Lithvaniam Poloniae innexuit, ut hodie utraqve eodem civili vinculo contineatur, eodem jure regatur, eodem demum obsequio eidem Principi pareat.

XIV.

Haud secius caput extulit in Casimiro III. qui Prussiam addidit. (p) Prussiae exemplum secuta Livonia est. Hanc Poloniae adjecit (q) Sigismundus Augustus, augendis regni finibus occupatissimus Princeps. Caterum habeo, quod desiderem cum prudentibus in Sigismundo III. qui Cracoviam, inclutam Veteri Regum sede civitatem, Varavia mutavit. Omne parum prospero, consilio minus utili, eventu certe non salutari. Adeo verum est, mutationes sedium auspicia nunciare nec prospera semper mutantibus, nec lata iis, qui mutantium imperia colunt.

(p) Notat hic asperè Albertum Teutonici Ordinis Magistrum Besold. I. P. Part. 3. c. 4. p. 235. Excusant moderatores. Notas vicissitudines peculiari sermo argumento. Borussia Ducalis soluta jam beneficiario vinculo est, quod constat ex transactione Veliensis. Cessit enim El. Brand. ut supremo Domino, soluta fiduciario nexu. Conf. dissertatio nostra de rebus Prussor. ad §. 28.

(q) Livonia in sanctionibus novissimis jam dispecitur in Svedicam & Polonicam. De hac quid Moschi respectu, publice tantum nuper sit, apparet ex sancti. Pac. Oliv. c. 5. §. 1. De Livonia alioqui in Cis & Trans-Dunavam divisione Geographi plenius agunt.

XV.

In Stephanum Bathorium parum æquos deprehendo Sarmatas. Periculum metuerunt libertatis, fortè quod regis potius, quam regni haberet rationem. Suspectus enim insidiari juribus, insidiari libertati. Regis quoque, id est, sui poti-

potius, quam regni æstimare utilitatem videbatur. Hinc indignantium voces querelæ mutati in publicum amoris. De dignari Ordines, proscribere Zhorovios, denunciare poenam inter Præsules summo, abrogare Proceribus officia, disponere de Provinciis beneficiariis liberè, intolerandum genti. Nec de Vladislao IV. una omnium opinio fuit. Multi cum niti solito altius, & plus moliri, quam par esset, & regiam completi animo vim, conjecerunt. Nimirum prona Martiis regibus via est ad dominatum.

XVI.

Haftenus de Regibus monitum. Summa eo spectat, ut materiam diffidentiae, æmulationis, litium amoliamur. Captare arbitrium, omnia moderari pro nutu, libere, ferre sine Comitibus leges, statuere quid sua sponte, decernere sine consilio consensuque procerum, Senatus, ac Nunciorum terrestrium, in Polonia inauditum. Regem habere Ordines malunt, quam regnatricem domum. Regnum electione deferunt. Nec tamen plane nullam successionis habent rationem. (r) Præterire hæredes possunt, haud tamen prætereunt facile. Nisi cogat necessitas, nisi flagitet regni servandi cura, nisi causæ admoneant gravissimæ & sine dispendio salutis publicæ non negligendæ. (s) Scriptor quidam non infertus disertè tradit, Senatorum judicio consentaneum esse, Rempublicam se potius habere, quam regnum. Caterum scriptoris illius majus in Ordines studium, quam in Regem. Fatendum alioqui, Optimates magno se efferre splendore & caliginem inducere Monarchiæ pleniori. Optandum, ut concordia utrisque constet & firma tranquillitas duret, & ipsa maneat aternitas rerum. Fiet id, si reges ament suos optimates, hi colant suos Reges, utrique studeant publicæ utilitati. Si meminerint Reges, regnum se habere astrictum, Senatui esse liberiores, si Ordines foveant Camillos, si expellant Marios, si Sullas detestentur.

(r) *Qui Scholis operantur, regna electitio successiva ap-
pellant.*

(s) *Aut moment. Polon. servand. rat.*

Polon. XVII.

Novum invitat de Comitibus argumentum. Jus in-
dicendi penes Regem; statuendi potestas Regi cum Sena-
toribus & equestri Ordine communis. Utri horum præ-
polleant; haut quætere opus. Sciunt; agnoscunt omnes.
Prudentibus sane hinc indicium, Poloniæ regimen potius
Reip. convenire, quam regno. (t) Ordines aut sacri, aut
profani. Utrique regni Senatores. Post eos Delegati No-
bilitatis sedendi jus nacti. (u) Sententiæ tamen dicendæ
præcipuum apud hos pondus. Si quid proponi decernive
oporteat; referunt ad Senatum. Leges verò à Senatu
accipiunt nullas. Potius Senatus ad eos; quam ipsi ad
Senatum se accommodant. Tanta nobilitatis auctoritas
est. Senatus exhibet Optimates, Nobilitas Populum, Dele-
gati Nobilitatis Tribunos. Cæterum Comitibus Polonorum
ut plurimum sunt paludati. Nempe stant sub dio; stan-
tes stipant militares turmae. Hæc cum aguntur; cocunt
deliberaturi; post deliberationem definiunt; si tamen de-
finiunt semper. Atqui hic dubitaverim cum Senatorum;
tum Nobilitatis ingenium morem; quod reges mereri re-
gnum; non mereari velint. Qui hic dubitat; excutiat anna-
les; indagat acta publica; vestiget experientiam; inveniet; quæ
indicamus.

(t) *Cass. Ens de Reg. Polon. Tb. Pol. ap. 15. De Cætero per
occasionem Regni, mentio succurrit Abbatis Casimensis Vincentij
Sgvaldi, qui pulcherrime Reipubl. quatenus optimatum jure re-
genda; rationes, exempla, exemplorum nexus ostendit. Addi
etiam forte possant, quæ de rationibus Reipubl. cum antiqua tum
hodiernæ eleganter ordinavit judicavitq. Pompejus Caimus in Pa-
ralet. Polit.*

(u) *Al-*

(u) *Alib. cap. 33. Lind. descript. Regn. Pol. Popping. in O.
I. Huc Dav. Frolich. in Viator. lib. 3. p. 47. 48.*

XVIII.

Nobilitas Poloniæ seminarium pariter & præsidium
est; Nobilium eadem dignatio; par Jus; æqualis libertas
celebratur. (x) Ab his multi Principum surrexerunt. His
necessitudine immisceri; Principibus sæpè non indecorum
neque inglorium est visum.

(x) *Vid. Staravolscius. Aut. Cens. Cand. Pol. Autor Gallicus
quidam, cujus nomen lates subtiliteris D. T. P. T. de l'Etat du Roy
de Pologne. Sansonius del governo del regno di Polonia.*

XIX.

Omnia; quæ sentimus; dicere non expedit. Alia aut
servanda domi; aut relinquenda expertis rerum. Trada-
mus nihilominus aliquid de hodierno Rege. Is à (y)
Wisniowiecia dux; à Sangvine Korybutius; eoq; Jagelloni-
dis vinculo agnationis annexus. (z) Ultima origo ex Lith-
vanis. Prænomen Michaelis: In prænomine augurium di-
adematis ferri Michaelis imponendi fuit. Auspicia rerum
gerendarum prospera; ingenium perspicacissimum; animus
ingens multisq; artibus imbutus; experientia singularis
explendescit. Nihil in eo desiderant boni; omnes sperant
bene. Hinc studio Nobilitatis provectus; hinc ad regni Cla-
vum subductus. Attrita quidem paternæ opes sunt Cosacico
bello. Animus tamen semper idem viguit; infractus nun-
quam. Omen hoc olim accipiebamus altioris fortunæ. Exi-
tus non defuit omini.

(y) *Alij Wisniewicz; alij Wisniowez; multi Wischniowez; nonnulli
Wysniowicz scribunt. Is Numa pocius; quam Romuli ingenium habet.*

(z) *Demetrius Korybutus frater Jagellonis. Familia utri-
usq; Principis; ultima origo traditur ex Italia à Columnis. Co-
lumnæ arcessunt à Germanis. Ex Sericovio observant; Wesnio-
wiczorum & Sbarasciorum Antecessorem appellatum. Huc refe-
rent Diploma Fidelitatis A. 1386. concinnavimus. Et Staravolscius
annotat monumenta aliquot Wisniowiczorum Ducum.*

XX. Sum-

XX.

Summa hujus Regis cura, ut tempestatem ex Ukraina impendentem avertat. Et profecto avertet, si de consilio ejus res regatur, * si reconcilientur rebelles, si cum regno redeant in gratiam Cosaci, si Ordines denique, cum opus fuerit, non destituant optimum Regem. Impiæ seditionis Russorum memoria nondum exolevit. Vitari potuisset malum, si Russici ritus relicta libertas fuisset, si, quod ex promisso debitum erat, regni curia dependisset, si major erga eos præfectorum regionum moderatio apparuisset, si avaritiæ Judaicæ nihil in ipsos licuisset, si denique in nulla libertatis parte damnum ad illos redundasset. Mittimus alia querimoniarum capita. Tantummodo hic monemus vitandum esse Russicum istum Sullam. Hunc vitare est præsens periculum vitare & fraudem. Quid mirum? Turbidi ingenii homo est, & profundæ simulationis. Fidei quoque anceps & mutabilis in momenta. Tum promittendo paratior, quam servando. Omnia illi ludus. Etiam religio pactorum. Hoc observandum regi, observandum regno est. Ad ultimum, elegans in Viosnievicio Polonici exemplum moris. Scilicet Reginas à Germanis sumere malunt, quam Reges. Suspecta adeo Germanici nominis magnitudo. A sexu seqviori non perinde metuunt. Hunc regi potius, quam regere debere ajunt. Jam plures ex Austria reginas acciverunt. Novissimè documento Viosnievicius est. Cujus & regnum fortunet DEus & torum. Illi felicitatem, huic foecunditatem largiatur.

** Alius hoc A. 1672. eventus, atq. superiori consilium fuit. Facta in Polonia pax est, sed magna Polonorum jactura: Podolia nunt gemit sub Turcarum jugo.*

XXI.

Regibus olim concessa abdicandi libertas. Multa hinc in Remp. mala, plurimæ calamitates. Jam melius provi-

provisum regno, libertati isti obex positus. Argumento Viosnievicius est, regno se, donec vivit, ex lege non abdicaturus. Id religiosè promisit: religiosè implebit.

XXII.

Sequitur, ut tradamus, quid Polonia reponere in se, quid tribuere exterorum auxiliis debeat. Non negamus, nimiam fiduciam sui, sæpe initium miseriæ esse. Nolumus diffiteri tamen, Poloniæ domi potius vires quærendas, quam foris. Auxilia aut sæpe sunt fera, aut non suffectura. Ac id quidem facere Polonis in expedito est. Gens numerosa, & idonea in super bello, & tanto aliquando magis resurrectura, quanto major ruina fuit. Probant id superiora bella, probant exempla bellorum. Assentiuntur Polonici scriptores. Idemq; nuper Batavis suggestit quidam in opusculo, de eo, quod interest Bataviæ.

XXIII.

Piget hic referre, quod prodidit Thomas Campanella. Is securitatem Sarmatis certissimam pollicetur, si Poloniæ cum Moscovia conjungendæ rationes ineantur. Sed vanum consilium, vanius promissum. Diversa Moschorum & Sarmatarum ingenia, adversi mores. Dispar etiam regnandi jus, dispar modus. Imperium Czaris successionem innixum, nec circumscriptæ potestatis, Regnum Polonorum conferendum electione, nec administrandum pro nutu. Servile obsequium Moschorum, liberimum Polonorum est. Ne meminerim, quam pertinaciter sua colant sacra Moschi. Sua quoque Poloni. Nunquam adeo conciliandi, nunquam redigendi in unum corpus. Pontifex, Pontificis ceremoniæ illis detestabiles. His contra Græcorum. Hos ergo conjungere pugnautes, componere dissidentes, jam diu desperavit Palatinus Czerniechoviensis. Quod indicio est, promississe Campanellam, quod nulla ratio futurum promittit. Ostentui ergo hic Monachus est. Magis Monachi simplicitas.

XXIV.

Cæterum optandum est Polonis, recuperent Smolenskum, quo nuper exuti sunt à Moscho. Idonea hæc regno olim Civitas,

(aa) unde inferre periculum hosti & propellere licebat. Janra-
missa desideratur. Nec verò sola. Præter hanc Provincia trans
Borysthenem, cum situs, tum securitatis ratione utilissima Polo-
nis. Repetere arduum, * relinquare periculosum. Hæ diminuti-
ones, belli civilis fructus. Non exiguus hinc metus, nec minus di-
scimen. Mature adeo providendum genti, ne gentis potentia ju-
stolatus serpat,

(aa) *Laudant hic Poloni Gedani sui vires & fidem. Laudavit
Pastorius in Casimiro III. Laudavit proxime Andreas Olszowski, Po-
mesania Procancelarius, & Regis sui Legatus.*

* Tum propter belli ex bella rursus metuendi discrimen, tum propter pacti-
ones novissimas Moscho-Polenicas. XXV.

Refert quoque ad institutum nosse, Poloniæ sæpe plus nocu-
isse civilia, quam externa bella. Tutus Rex, tutum Regnum, si di-
scordiae fuerint sopitæ, si compressæ factiones, si extinctæ rebelli-
ones. Militem excire promptum, eundemque Scythicæ gentis ter-
rorem. Atque vero jam tempus est, mea Polonia, ut excias tuendo
Borystheni. Justus tibi, barbaris impius fœdusque bellandus titulus
est. Hi pro dominatione, tu pro libertate dimicabis. Aude, vin-
dica Ukrainam. Aderit Deus. Aderit fortuna. Cœpta bona bo-
nus exitus sequetur. Verbo, Vinces, Vincendo triumphabis, tri-
umphando gloriam illustrabis. Imo vero illustres. Ut aut desinant
te vexare, * aut subigantur, quum vexant, aut subvertantur, cum
subacti resurgunt ad colligendas vires, ad turbendam regni tui
quietem.

* Inter regni curas præcipua hæc est hodie, i. refarcire jacturam Podolia:
2. videre, quemadmodum Polonia ex tributaria iterum libera fiat.

XXVI.

Quantum tranquillitatis servandæ pretium sit, exploratum
jam habemus. Alia denuo subit sollicitudo. Hæc publicam spe-
ctat utilitatem. Cujus compendium cura numi. Proinde caven-
dum monetæ: puniendi monetæ adulteratores. Providendum
quoque, ut cudatur moneta à probis, & materiæ pretium, pretio
materia respondeat. Nec vero indulgendum cuivis Jus monetæ.

In-

Ingens hic abusus, ingens abutentium scelus, unde damnum com-
merciis certissimum inferunt. Ab his ad Rempublicam, à Republ.
ad universam humanam societatem serpit, Atque hoc cum tua
conjunctum salute est, Polonia. (bb) Ruunt indulgentiâ in hoc
vitium privati, privato quæstui intenti. Prospiciendum adeo, ne
aut privatis ejusmodi concedatur potestas, aut si concedatur, in
eos qui adulteraverint, mature animadvertatur. Constituendum
ad hoc certum in moneta pretium, constituendi, quos appellant,
Zygostatæ. (cc) Sæpe deliberaſti de his nævis, tolles tandem & vin-
dicabis privatos privatorum hominum mores. Judæos tolerare,
omni licitum jure. Hos vero negotiis imponere, his frænos laxa-
re nimis, & omnium usurpandorum facere copiam, haud consul-
tum. Turbarunt nuper monetæ rationes in tantum, ut vicinæ di-
tiones ingemiscant. Hæc causa, cur multi civium facultatibus
lapsi, cur plurimi mercatores existimationis fecerint jacturam,
creditoribusque decoxerint suis. Tuum, mea Polonia, est, his ob-
viam ire malis, & quod præcipuum gloriæ caput est, cum regno
ponere calculum, cum calculo conservare regnum.

(bb) *Vid. Aut. Genes. pro redint. Pol. reg.*

(cc) *Ad hoc vid. D. Zieglerus, vir mihi inter magnos magnus, & ut
nostri avi decus, ita exemplum futuri. In disp. de Jur. Mones. Saltem adjici-
mus, auri argentiq; signandi jus apud Veteres sanctum fuisse semper.*

XXVII.

De Monetæ remediis nil reperio, quod exponam ultra. Aut
si reperio, hujus scripturæ excedit modum. Visum nunc deliba-
re, quid sit, quo regnum conservetur. Plurimi cœleste arcanum
allegant & incluctabilem ordinem fati. Hoc facere, hoc stabilire
Sarmatiæ libertatem. Reddi adeo hinc rationem posse, cur facies,
forma regni Polonici sibi conveniat soli. Nulli vero alii. Nil
enim subesse, nisi occultam numinis vim. Huic standum, huic
acquiescendum esse. Et mirum certe, inveniri Respublicas satis
confusas, quæ in ipsa durant confusione. Inveniri imperia, quo-
rum forma pœne sine forma & præter regulam civilis legis. Ma-
nere tamen eadem & retinere inter contumaciam ac dissensiones

C 2

secul-

securitatem antiquam. Nos agnoscimus Deum regnorum statorem. Miracula arcemus. Respublicas confusione nutantes haud probamus. Unum alterumve exemplum eas non munit. Quod rarum, raro tutum, raro diuturnum. Facile perituum, quod agrum. Sic non secus casurum, quod prae gravi mole inclinatum. Certa, non ancipitia, Reip. conservandae consilia habere, non expedit modo, sed etiam necesse est. Turbida ista & fallacia, & nil solidi habentia displicent merito. Si lubrica via sit, si deficiat, ubi pes figatur, promptus sane ad exitium gradus. Nos quid sentiamus, aut dicemus ex suggestu, aut monebimus privatim. Quod enim de colendis placitis majorum, de peculiari temperamento gentis, de observandis sanctionibus regni, de fide Senatorum Ordinisque equestris, de rationibus denique militaribus hic recitatur, notum omne est, & solum certe non suffecturum. Alia eruenda, plura expectanda subsidia regni habes, mea Polonia, modo utaris, nec tardas ad occasiones, nec ad mutationes proclivis. Mutationibus, si quae existant, remedia opponas matura. Interregnum vices longas procul habeas & detesteris. Didicisti interregnum fata. Nocuerunt regnis aliis, nocebunt tibi, si diuturniora. Advigilasti nuper satis, & cum tot, mirandum, diversa Senatorum Nobilitatisque studia essent, praecidisti moram electioni, sustulisti interregnum, vitasti discordiam, unde promptum alioquin seditionibus, turbis, bello civili alimentum.

XXVIII.

Ducimus quoque instituto convenire, ut Poloniae attingamus leges. (ee) Multis videtur, gentem bello assuetam de legibus parum laborare. Illud de populo Martio verum. Hoc nullatenus concedendum. Eo minus, quod cura belli non tollat leges; Contra leges armis, arma legibus innitantur. Exemplo Princeps, cui non togae solum, sed belli etiam artes discendae. Et vero demus, curam armorum turbare interdum leges posse, everti tamen posse, confidenter negamus. Manifestum alioqui, & publicis notam argumentis, habere suas Poloniae leges, habere curias, habere tribunalia, Utrisque additam dicendi juris potestatem. Vetusti re-

tro

tro xvi documenta multa. Memorabile saltem hic ad posteros est, juri Teutonico olim in Polonia fuisse locum, fuisse honorem. Illud vulgari nomine Magdeburgicum appellatur. Hujus introducendi Auctor non Casimirus M. ut tradit Joach. Pastorius, à Johanne Casimiro, dum regnaret, ad scribendam Sarmatarum historiam conductus, sed Lesko Niger. Causam exponit Conringius, multus in hoc argumento, nec indiligens diplomatæ, quod Pastorium deceperat, Casimiriani censor. Et vix est, ut assentiar Arthuro Duckio Anglo, qui Casimiro accepta refert auspicia primo instituti, deinde abrogati Magdeburgici Juris.

XXIX.

Servet dissertatio formam. Dictum de legibus: insistamus ordini, & referamus de quibusdam. Leges comitetur consuetudo, quam invaluisse accepimus post leges, ordiamur à furto. Furtum pecunia redimitur. Poena si est, certe non est capitalis. Moribus Lithvanicis res furcim ablata ad Dominum non redit. Inventori quoque non cedit. Solum hujus opus, perferre ad judicem; Judex servat sibi. Via ad recuperandum Domino interclusa; remedium vindicandi nullum. (nn) Veniamus ad tutelam. Finitur tutelæ munus, finito quinto decimo anno. Secus, quam apud alias gentes. Alienandi multo serior facultas. Initium quintus & vigesimus annus. Sequitur diversitas diversitatem. Liqvet hæc in multis. Argumenta habemus in prædico dotali, & jure testandi. Ignotum ibi nomen jusjurandum, quod calumniæ appellant justitiæ sacerdotes. Hactenus discrepat à Quiritium jure. Mallent multi, ut conveniret semper, ut discreparet nunquam. (oo) Præsertim si justa subest causa, si religio movet divini juris, si sanctitas jubet innata legis. Aversatur Deus homicidia, homicidiorum impunitatem maximè. Optamus, ut omnes agnoscant. Magni, an mediocres, an minimi, nil refert. Eodem omnes apud Deum censentur jure. Qui regulam omnibus & singulis esse voluit. Non occides. Homini adeo in hominem nulla potestas necis. Deus vitam dedit. Deus adimere solus potest, solus vult. Teneat ergo sua interfectores poena. Sed quæ respondeat delicto, quæ penset delicti

C;

atro-

atrocitatem, & mensuram impleat divinæ legis. Non levis multa, sed supplicium poscitur. Luat sanguine, qui sanguinem profudit. Propterea nemo sibi indulgeat, nemo sua abutatur dignitate. Homicidium vindicandum morte est. (pp) Hæc sententia summi iudicis. Hæc norma regnorum erit rerumq; publicarum omnium. Vos appello, Sarmatici Nobiles. Sarmatiæ munimentum estis. Iustitiæ quoq; sitis. Eritis certe. Vestra exempla utilia regno, salutaria sunt vobis. Manus adferre hominem homini, ne sinatis. Sævitia est, non libertas, occidere quæquam sine causa. Etiam nulla libertas, quæ contra leges. Legum vero hic nexus. Constitutiones cedunt divinis, divinæ regunt constitutas. Quicquid peccatur in utrasque, peccatur in Deum, in vicarium Dei. Illud impietatis est, hoc improbitatis. Vos, qui animum pro regno habetis, qui curas pro regni gloria suscipitis, temperate gladiis adversus plebejos. Nunquam temperate adversus Hostes. Barbaros istos dico, & ut fama est, jam jam ex Scythia profecturos. Cavete, ne se, ne suosditionibus vestris infundant.

(nn) *Ceteroquin de usu juris Ro. in foris Polonia vid. Duck. l. 2. cap. 11.*

(oo) *Accusat in hoc capite Polonos Spreng. d. l. & discrimen eorum notat, quo asserunt homicidium aliud capitale, aliud civile esse.*

(pp) *Vellem hic sanius locutus esset Tb. Hobbesius de Civ. cap. 6. p. 109. ubi non parum derogat innato juri. Deo ipsi, hujus auctori.*

XXX.

Tædet hic morari. Res poscit, ut quales olim Sarmatæ fuerint, dispiciam. Male apud Tacitum audiunt. Primo ignavia, deinde levior armatura exprobratur: postremo imbellium inuritur nota. (bb) Dubites fortasse, an assentiaris scriptori augustæ historiæ. Celeres subiti gentis impetus, celeres animorum motus facile aliud, persvadent. Minus in Sarmatas iniqui rerum Scythicarum Conditores. Facit nobiscum Pomponius Lætus, vir in eruenda antiquitate sicut diligens, ita acris. Is ex annalibus, quos excusit, optimis tradit, gentem fuisse ferocissimam, & hominum cadibus asseritam. (ii) Alibi recitat obstinationem gentis. Præter hanc pugnandi ardorem. (kk) Promendum hic suffragium Flori. Qui tradit, Sarmatis non æstimari pacem, imo ne intelligi quidem. (ll) Hæc quam conciliare arduum, tam promptum, ab altero dissentire. Sed causa dissentientis iusta, ratio dissentiendi sufficiens esse debet.

XXXI. Spe-

XXXI.

Spectamus metam. Sed pauca restant, antequam perveniamus. Expediendus quasi in transcurso quodam. Dignum labore momentum, quod ad excutiendum veteris Sarmatiæ statum pertinet. Illatum genti bellum à Romanis, (mm) Penetratum usque ad regionis fines. Viscera à bello intacta. Augusto Danubius belli Sarmatici terminus erat. Feliciores Teutonici Imperatores. Conradus cognomento Saliquus vectigalem fecit. Henricus II. Boleslaum beneficiario jure sibi obligavit. (nn) Certa hujus rei argumenta servamus historico instituto. De cætero Polonicorum dissensus scriptorum nil obest causæ. Nimis asserunt nova, & solida antiquitatis nihil.

(hh) *Nil tam ad pedestrem pugnam ignavum esse scribit, quam Sarmatas. Et non tacite innuit, parum ipsis animi esse, ereptis equis, cum tradit, ademptæ equorum pernecitate, velut victor cecidi. Non multo post levi gladio inermes vocat. Hist. 1.*

(ii) *Ro. Hist. Comp. Ed. A. 1510. in Constant.*

(kk) *In Valentin.*

(ll) *Meninit Tacitus Roxolanorum. Hi Willicchio Basterne, aliis Russi Moschiq; sunt. De quibus vid. Carolus Stephanus Diet. Hist. Geogr. & doctissimus Italus Hirol. Canin. ad 1. H. Tac. c. 79.*

(mm) *Nil viriutis habent, quæ hæc asserit Hermannus Hermes cap. 4. de imp. Ro. illud multo magis mirandum, quod scripsit, Boleslaum ab Ottone M. creatum Regem. Non minus Galli cujusdam erratum est, qui Lecho primum tribuit insigne Regium. Nulla causa, nisi accurata negligentia lectionis. Ignorantiam enim vix tantis tribuerim Viris.*

XXXII.

Vetera hæc sunt. Mittamus. Nec tamen committamus, ut horum memoria exoleat. Nos desinimus ne progrediamur ultra legem. Desinendum vero in voto est. Votum præcedat, quicquid amor publici boni expressit. Struit sæpe fortuna vicissitudines. His amovendis comparare præsidium, felicis regni est. (ee) Comparetis, Sarmatæ. Imminent barbari ex diversis locis. Hos depellere, æternæ pretium laudis. Dissidere ab se invicem domi, & pugnare sententiis, hosti expedit, non Vobis. Ante bellum de belli instrumentis cogitandum. Opes, aurum, argentum bellantium robur, bellorum nervus. (ff) Illa, cum suppetunt, conservanda, cum defunt, acquirenda. Amittere hæc, & inania consecrari, est suppeditare materiam crescenti aliis, aperire viam ambitioni hostis, emere demum periculum brevi & mox cessatura voluptate. Vos, Sarmatæ, melioris capaces fortunæ, meliorem animum servate. (gg) *Utilitas, gloria ad Vos redundabit. Gnara bellandi Nobilitas Vobis.*


Vobis murus & firmamentum. Legiones validæ, dummodo concordēs, ex-
tiorē regno, si discordēs. Prospicite vobis. Impetus Tatarorum metuē-
dus. His prædandi irritamentum Podolia, quā Meridiem spectat. Commu-
nite tandem itinera versus illam terram. Volhyniam & Borysthenem potis-
simam curæ vestræ partem credite. Quamquam inde jam major impendeat
metus. Vires, opes, cogitationes omnes virtute in bellum externum. Vitare
intestinum. Pugnate pro fide regis, pro salute regni. Obtestatur. Vos Chri-
stianus Orbis, ut hoc tempore audendo paratissimi, faciendo felicissimi, vin-
cendo admirabiles sitis. Honos Dei est, quem defenditis, libertas vestra,
quam propugnatis. Ite ergo ad arma. Numen fortunet armatos, fortunet
expeditionem. Festinate, quod agitis. Expectat vos victoria, & invitat.

(cc) Indicandum hic esset, utrum Germaniæ finibus metuendum sit à
Sarmatis. Quod cum negem ex multis causis, alibi persequendum ex dignitate
argumenti est. Interim vid. aut. Not. & Stritt. p. 62.

(ff) Tac. Hist. II. Pompejus Caimus paral. Polit. partit. p. 29.

(gg) Multi hic notant Sarmatiam gentem. Alii nec contumeliā absti-
nent. Graviter monet Starovolscius. Hauriant Poloni, quod salutare est, à
Polonico Scriptore. Cateroquin multe hic lites de scopo Reip. Polonice.
Diffidium omnibus notum, quod inter D. Conringium, & personatum Mari-
nium exarsit. Non ausim me interponere judicem. Cum privatim sentiendā
rationem habeam.





Copy 8
16
m. Ch. L. 16

List. Colon.

a general

